

六集



士子省試以所占經爲一同考所薦得薦者謂
同門視同年友率情誼尤親密余丙子試京兆
及副額同商丘宋子山言出左蠡吾夫子門已
卯膺鄉薦則同出行唐張夫子之門者有常熟
蔣子酉君山言酉君及余皆治毛詩二子俱素
以工詩名海內獨余不能屬一語則余之幸余
之陋也今年正月余渡江探梅至蘇山言侍府
公讌余于署館酉君在焉不數日山言歸商丘
別余以小詩甚工酉君約余遊虞山比余至而
酉君刻新詩片雲集甫竣事遂命余序之夫余

不能詩烏能序酉君詩雖然酉君言之矣酉君語余曰立言者宜讀書貧兒逸諺不事生產而無名之費百端惟日有出而不見其入也勢必至於腫決肘見而不可掩又古人文必相題乃言有體式等尊於卑則褻加親以踈則漓處憂患若歡娛則悖推此而論則呼吸微眇變幻恍惚當其情事相觸類物肖形真有所謂兔起鶻落稍縱則逝者故言爲有物而機緒日新未有苟於是而能自存者余讀酉君之詩盡卷見其材之富則取之武庫大府而不窮擇之精則匠

人入榷楠豫章之林而拔其尤詞之達則萬斛源泉放乎四海而出之不竭及按其質文相儷言必稱情意不浮事婉不匿旨直不傷雅馳驟而中度蘊藉而多風雖難於立說者亦莫不傳其曲折而合其節拍乃恍然於酉君之語曰嗚呼盡之矣酉君之所以爲詩者蓋學之博而問之審非偶然也豈耳傭目剽顛預粉澤而徒游光揚聲以欺人者可同日語哉余以酉君語序酉君詩以始終見余不能詩不欲序詩之意且余書其語以期余他日學詩並將奉之爲科律

不敢頑然以不詩自別引例從橫同出於鬼谷
計酉君越月即北上當先余晤山言舉此語山
言知必不廢啞然一笑也壬午二月望日門年
同學弟徐用錫書於興福西院



片雲集

虞山 蔣廷錫酉君 著

雪後集湯西涯先生寓以林疎露山雪
為韻

陰雲覆書屋樽酒發清吟不慚韋布客幸托君
子林篤顧略年義結遊共道心深慰疇昔夢坐
嘯開愁襟

其二

先生心尚遠詠懷綜琴書清遊步東觀曲宴旋
直廬寒冰落脩雷積雪飛空除門前車馬散庭

畔煙樹踈相攜不速客紅爐烹園蔬

其三

此日座上客風雅美無度洗爵互獻酬蘭音自
吞吐聲氣合四方笑言忘日暮佳會不易逢爲
君歌湛露

其四

脫略揖讓數跌宕文字間攘攘紅塵內有此永
日間明燈輝瑤席寒月挂屋山旣醉可云歸連
轡相與還

其五

出門燈火靜街明凍殘雪未覺吟肩寒應知酒
腸熱歸來立空庭月冷霜華結庭前枯竹竿蕭
蕭歲寒節

題畫牡丹呈宛平相國

三尺鸞溪寫露叢書生枯筆借春風色疑絳帳
初懸處香發金爐乍點中真粉不須張錦幄假
花何幸近紗籠遙知綠野開樽夜銀燭高燒四
面紅

題楊晚研先生所藏陳仲美筍竹乳雀

古人寫意不寫形後人見畫如見真花竹翎毛
小枝耳此中妙理難造臻鳴鳩乳燕寒不起玉
堂素壁挂好春兩枝綠竹抱粉節兩枝高筍干
青雲霜籜斑斕半落地低昂一雀閑且馴雛兒
引領顧其母舒張雙足行逡循老雀授意聳而
立雀雛接食翅轉伸誰其畫者陳仲美傳是至
正能詩人以畫作詩詩細膩以詩作畫畫入神
至今三百有餘載粉光墨氣常如新嗟予亦好
弄顏色無奈見與兒童親安知此種本天趣發
揚英妙含精勻願借壁根卧三日芒角洗我胃

中塵

題許不棄霹靂岩

朱欄路盡石壁出天閭決裂地垠坼羣峰俯伏
列兒孫乃翁高卧在百尺曹溪半角海上飛女
媧餘石紛騰擲仙人狡獪起羊羣誕說虛無落
雁翻此石又從何處來強將名字鐫霹靂畫圖
指點不分明覩名思義難忖測清宵魂夢甚安
適忽然寒風吹肌骨闐闐雷聲震屋壁阿香掉
車揮矢石冰雹交加氣結轆驚汗浹背眠不得
急起呼童疾磨墨題詩爲謝高陽生莫作雷聲

來恐嚇

畫雞二十韻

小素輕如紙斑錐橫似杠精神傳已盡形狀寫
來厖細染開生面粗勾露白腔才分霞爛熳欲
活勢崢嶸蛙目紅圈凸鷹胸墨印黥口開應角
角翅築想從從讀張足撐雙柱昂頭亂一巉霜
凝花約綽風動影戎蒙金色裝全距纖毛落半
禡翠翹光艷艷長尾舞龐龐舒頸明雲綬欹冠
倒寶幢攬身迎曉日急韻喚朝春碧樹辭南國
殘星別異邦膠膠催短夢耿耿滅寒釭子夜過

函谷荒邨望斷江聞聲忽淒慘對畫乍驚懍妬
敵心猶在專場氣未降當關君莫厭入鏡自成
雙好向淮王宅宜懸隱士窓彩毫憑看取不怕
雨瀧瀧

戲簡王敏行

盈盈十五嫁王昌不夜城燒甲煎光怪底近來
相見少一春都爲採花忙

其二

十二屏風捲好春圓生樹又一枝新諸天花燭
前宵事誰作做升階導禮人

壁瓶芍藥

強似山屏十二曲勝于紅玉一千枝竹簾風動
花搖曳無數飛仙上壁時

其二

依稀仙禁親書案彷彿名園入鏡中不是楊家
舊樓館吹簫人莫下屏風

題畫紫牡丹呈史耕巖先生

欹斜似共半風薰樣出徐家迴不羣未展相公

堂上幕先開學士筆頭雲

牡丹譜三學士蓬萊相公皆紫色

花鬚

約略圍金帶翠葉分明襯舞裙已把精神向當

午更無餘艷對殘暝

爲王敏行題女郎畫鵝便面八絕

獨立沙洲不入羣菰煙蒲雨白紛紛似從南岳
朝元會素袖攜來一朵雲

其二

小池春漲擁浮萍浴罷昂頭築翅翎好向房公
池畔宿講堂明月聽談經

其三

水暖蒲青趁穩眠白雲點破碧溪煙莫將興慶
池邊過破費諸王十萬錢

賦五

其四

身藏蘆葦雪花明朱粉調勻墨印成若以鷺籠
比團扇就中還少一書生

其五

綠波浩浩草青青行障遮藏夢未醒浪蕩浮光
何處去感恩惟有舊西亭

其六

春浦秋江汎汎遊浮沉應比水中漚休欺翫
身軀笨曾和軍聲破蔡州

其七

點點青苔綴小坡鴛鴦不畫畫新鵝從今陽羨
溪中水百折迴文作錦波

其八

秋荻蕭蕭幾葉分白鷺新樣淨于雲陶家畫扇
人何似惟見籠隨王右軍

雁字詩六首

刻畫星文印碧蒼青天白地忽飛章來逢長至
書雲後去倚脩羅障日傍偶學八分初斫陣小
因急就不成行此中誰得千金帖奈國城邊訴

雁王

其二

整整斜斜任所如鋒芒不用獨憑虛指揮徐浩
沙中畫點綴張顛醉後書竺國傳來神筆健衡
陽信到劫灰餘從橫飛語漫天起鳥跡何由定
魯魚

其三

羽書露布日紛紛描影描空總任君整頓戈矛
驚斷象斜飛波磔亦奔雲蓼花紅處蠅頭集江
水清時蠶尾分嘹唳一行窻外過遊絲響搨有
明文

其四

幾行飄蕩下平沙會意諧聲四處嘩排就鹿頭
真戴草草訣歌鹿頭真戴草變成馬尾愛分花拄撐賴有
孤鴻立挑挖惟餘一面斜莫把鳥書誇本領看
來爪力是塗鴉

其五

草線灰蛇孰引牽強將羽翰欲箋天乍飛墨甲
粗成列恰遇虛弓已絕編故國音書回臘日上
林尺素記丁年遲徊一紙黃麻詔南去陽鳥幾
日還

墨雨霏霏濕短翎難將文思入蒼冥飄零已失
籠鶻帖悲怨唯書瘞鶴銘垂露遙瞻青草浦絲
欄中斷夕陽亭稻梁豈藉詩書力梵宇新傳貝
葉經

芍藥

豐臺芍藥記繁華十里揚州劫夢賒慚愧多情
韓宰相藥欄錯認紫薇花

韓魏公詩多情
應喚紫薇郎

白丁香

清香淺色本相當綠葉重重擁素粧却笑相公

渾未識平泉只數紫丁香

蘆溝橋

蘆菰河畔夕陽多甃石長橋壓水波襍被孤裝
行卷盡謾勞關吏細譏訶

良鄉

日暮微風拂酒帘西山蒼翠十分添趁虛人過
兒童鬧紫爛山梨賽蜜甜

灰洞

路仄渾疑斧鑿開驚沙不必待風霾四年涿北
燕南客劫燼窮塵記往來

涿州

遠樹微茫綴碧空
范陽驛畔塔鈴風
驚回驢背江南夢
恍似金山落照中

驛在涿州城西驛傍有浮圖即范成大詩屋頭白塔

滿鈴風也

琉璃河

劉李河邊桃李稀
行人猶未試春衣
祥符空記乘輶錄
不見鴛鴦捉對飛

白溝河

安肅軍邊策馬過
涓流如帶不爭多
兩河已付耿南仲
却要區區巨馬河

白溝河宋名巨馬河去安肅軍數里

齊河城

鎮水軍容結陣長
齊河城下水如湯
女牆三尺譙樓古
猶指荒丘說阜昌

齊河城劉豫阜昌時所築

聞鶯

脩竹疎林恰晚晴
板橋流水隔盈盈
三年烏帽黃塵客
愁聽鶯歌第一聲

曉發張夏

星殘月落樹茫茫
溪水中分兩岸霜
茅店忽聞雞再唱
亂山缺處漏紅光

題畫冊寄汪東山

芍藥

紫泥草罷吟紅藥宮面迎風半折開猶有廣陵
金帶種一枝留待秀公來

游魚

文鱗墨錦霧重重荇藻浮光水氣濃紅尾青鬢
歎如舊在天休更怨為龍

黃薔薇

鉛黃染出佳人額綠葉如雲作髻鬟若向竹林
堂畔種十間屋對夕陽山

梁元帝竹林堂中多種薔薇為作十間花屋

宿燕

三月江南有燕回烏衣國裏解憐才拚他一覺
雲軒夢也得穿花度柳來

雞雛

毛羽初分絳幘低英心雖在未能啼試看見食
相呼意不信人間有鬪雞

杏花

第一名高白面郎馬蹄踏處遍春光杏花園裏
探花宴誰最風流是史王

謂做弦枚孫

題畫菊

玉枕紗廚半夜秋淡煙斜月上簾鉤粧臺人比

黃花瘦莫向西風更索愁

西城晚步用姪洞韻寄懷雨亭

井梧庭竹已秋風
唯有登臨興未窮
高閣三層煙樹裏
青山一角夕陽中
幾行雁齒斜城界
萬井魚鱗碧瓦叢
眼力微茫天地濶
兩湖如鏡漾晴空

其二

平生踪跡記山川
不覺霜毫忽半顛
紅杏天桃愁好日
丹楓黃菊送流年
有情詩酒真成癖
無事遊歌便是仙
悵望清淮城下水
一鈎月映夢

魂邊

題舞劍圖

金環掩却水晶寒
閑煞英雄老據鞍
壁上飛仙綠底事
掌中時弄兩霜丸

題畫馬賀甘來浴兒

南人見船不見馬
畫馬獨數東城徐

徐允平

奔塵

活草不一式風髯霧鬣憑
空虛設色能令畫者
活韓幹見之直曰余吾從徐生得粉本
皮骨停勻蹄足穩耳尖卓立竹雙披
夾鏡重瞳車轂眼

讀懇本
考工記

斑斕汗血千里駒
天矯不受羈轡拘昂

頭奮尾老馬側撐肩摩癢相挪揄何從得來此
位置解意能通馬腹事聊將畫本試鈎臨白馬
非馬亦兒戲古推畫馬江都王五百年來猶寶
藏書生筆底少顏色却今素絹忽生照夜光君
不見龍池昨夜飛霹靂王良星走十丈芒文殊
獅子據地吼邵家新得真乘黃

正月廿七日舟泊虎丘示溧陽費文友
毘陵趙侯赤兩同年

兩年憂患抱艱辛還向昆明溯劫塵數仞牆邊
悲棘木三條燭下記楓宸夢中宮闕招殘魄眼

底山川認故身不是玉皇親判與祇應常作謫
仙人

其二

騰空野火歎如焚狐鼠憑依正聚羣天上有星
皆卷舌人間無日不斜曛魂歸雁蕩生春草鶴
去遼西隔暮雲惆悵史遷知己盡一篇貨殖是
遺文

其三

春雨如絲和涕零傷心數語夕陽亭漫天只仗
脩羅掌入地還逢貫索星墮淚故人澆漢獄叫

闡新鬼遶王庭淒涼陸氏荒莊在若個門生爲
勒銘

其四

七里山塘錦繡叢賣花聲裏又春風未諳人世
文章貴自信吾生骨相窮一道玉階如水淨千
枝銀燭奪花紅山頭樓閣分明現只似觚稜夕
照中

集交翠堂留別同學諸子即席分韻

吾輩真堪置石巖清談何必銘三緘公孫放飲
憐朝穆西望阮氏同遊記藉咸樹金盞笑看雙

白卷玉珂愁對四青衫玉珂謂大臨青衫謂夏
重日容俠君及予也歡娛
忽動離羣感寂莫江干問布帆

其二

紛紛才子總能文還喜殷勤接李君中州李
牟山明

日去留同異國予將去任城
牟山留茂苑此時風月且平分座

中面色如衫色簾額波紋似錦紋戲折石榴誇

惠子仲孺對花可比醉紅裙

留李牟山查山讀書

公子休歸去查山可讀書湖光搖几席嵐翠接
空虛高閣有賢主六浮主人
張顛三雲深即敞廬先人
丙舍在

五雲峯下去查
山五里而近
相逢莫相訊欲語已歛歛

舟泊虎丘

雲山隱約水模糊一幅南宮煙雨圖忽漏半天
明月色應知秋水皎湛讀盧

梁谿遇雨

天南殷其雷閃電催猛雨上下蜻蜓飛匆忙燕
子語岸邊楊柳葉飄蕩忽輕舉吹落波心間隨
波去何許同舟有阿咸倡和得吾與譬彼惠與
錫拱揖作賓主

汲惠泉烹茶用東坡焦千之求惠山泉

韻

平生喜茗飲常恨不滿腹所以水高下頗能辨
類族吾邑泉最多高道有井蓄剪菊與睢陽盈
竭時斷續沈亭出土穴味重如擊筑舜過發涓
涓高道在西山剪菊睢陽在城內沈亭舜過在北山自誇弄泉
手諸品不可賣今來惠山下幻色澄空綠精光
射玻璃寒氣結水玉小杓自攜將大瓢付童僕
夜瓶雪欲翻春甕月可掬付之活火烹松風散
芳馥蓬窻咿吾苦忽報茶已熟快啜潤枯腸莫
辭飲一斛

金山訪桐臯上人用東坡金山妙高臺

韻

日暮乘輕橈來訪桐臯子風清水不波江面無
二里樓臺絢金碧相望咫尺耳江心一拳石蒼
翠突兀起迴廊四周曲山徑坦如砥師住妙高
臺翰墨淨窻几新詩抱冰雪朗誦漱牙齒神機
觸箭鋒活潑如江水愧予非坡公師實了元是
願師塞其竅無鑿混沌死

遊金山用東坡韻

天地不知幾許大唯覺眼力直到海迴頭北望

古都城六朝金粉依稀在山中精舍乞祇隨誰

架飛閣臨洪波

新造來鶴樓
俯瞰江上

太平有象戰鼓歇海

潮打石鐘磬多燕子雙飛亂小楫

江船小者
名雙飛燕

夕

陽掛帆江浴日東南雲氣半天霞日光反射江

心赤此景竒絕動魂魄魚鷹出沒江豚黑須臾

兩岸燈火明舟人促歸波浪驚山僧相對不相

識此中空洞元無物七年兩度登此山

乙亥三
月同王

形文登
金山

廓我耳目破我頑欲歸餘興不可已舉

盞更酌中冷水

望焦山用東坡放船焦山韻

金山之遊樂且耽倚闌南望歌江南日光方隱
大火出月輪欲滿過十三焦山林木鬱然秀橫
卧海口如春蠶東坡放船決獨往而我不能實
遠慙年來風波足平地何況此去臨江潭馮夷
喜怒不可測扁舟毋值鮫龍酣寺僧顧余笑啞
啞君何憂心敢戲談焦山佳勝天下絕海棠屏
障開花龕泉清石勁信樂土草根木實皆含甘
天地設境供所好君今快賞寧爲貪僧言祇自
見一解福地固非庸俗堪金風玉露海棠盛或
者攜酒來雲庵

中冷泉

昨嘗惠山水今飲中冷泉孰爲第一孰第二前
人之說亦妄傳我今爲汝定高下還將水晶重
譜箋惠山之水出山腹短草茸茸水碧綠入口
甘而腴有如仙人茹芝鍊軟玉細嚼清且香幽
蘭巖桂鬱芬馥一杯解宿醒兩碗滌羶肉品高
色絕抱幽貞佳人窈窕住空谷長江何滔滔泉
源泛觴混浪淘不聞環珮琴筑響唯見鯨魚橫
擊鳴蒲牢山頭一穴露寒碧長繩汲井百尺高
輶轡間倚蛙蚓上往來井井無乃勞泥衝沙沒

多染漬色黑香消味亦次耳聞眼見不足憑直
以品水之口親歷試却笑鴻漸有口人反將第
一置第二世間月旦如是觀顛倒衣裳何以異
相似之口尚有彼此分何況隻目欲令定真偽
或言今之中冷非昔時中冷泉在江中坻郭璞
墓前幾尺許清流一派甘如飴源頭所爭僅毫
黍此井今已百丈移江流泛泛何殊建業下子
信有口誰能欺君不見金山樓船開戰鼓血作
江流骨作土江心鬼火晝燐燐屍氣還侵郭璞
墓即今探取得真源烹酌人膏亦斥鹵方今天

下登昇平海波不揚河水清人間會有甘泉出
不使中冷浪得名

題畫桃花贈揚州劉明府海觀

上林舊有緗桃種錦碎霞明映御溝一自玉堂
仙折得十分春色在揚州

廣陵雜題

水光月色兩盈盈何處風飄水調聲隱約龍岡
枕湖曲草頭螢火一星明

其二

船尾相連似燕銜板橋開水放潺潺邗江至竟

如溝大只待潮來好掛帆

其三

都人避暑到平山
簫鼓紗燈競往還
更踏沙棠
趁明月荷花十里
策籬灣

其四

欄分蠻字水分丁
江上青山列畫屏
廿四橋邊
遊客過還因明月
望台星

邵伯驛

客魂初醒耳嘈嘈
邵伯堤邊早市塵
無數鹽船
下淮水滿河撐折
萬張篙

其二

魚蝦滿網逆風腥
小婦攜籃上驛亭
何似松江
煙雨舍保生學爾
帶笭箸

射圃詩和劉海觀明府

余年十三四性狂
喜擊劔旋轉若有
神不容目
睫見氣競竇旅剽
服異短後賤時捍
烏號弓亦

響綦衛箭憶昔南
陽城平原草方蒨

丙寅春侍從
先大夫于

南陽馬閑身體輕
縱轡樂澶漫草中
伏狡兔急竄
如避鍊人喧馬亦
驚耳立雙眼爛張
弓擬滿月
鳴鏑激奔電弦合
兔已摧取視兩腋
貫氣矜顧

盼雄能者亦欣歎歸來餉賓客仍作射兔讚稍
長知折節言及輒顏汗詩書架承塵鉛黃滿几
案好尚與昔殊無異去河漢儒冠銷壯心墨翰
弱臂腕去年客京華向人借款段猶嫌馬足疾
恍忽易顛攬弓雖一石輕手重五斤判居然文
弱生永與弓馬斷先生大作手何忽弄胡援毋
乃有激云抑亦與世玩深慙先生問棄功幸未
半會當調軟弓從獵淺草畔

露筋廟

落日秦郵道淒涼貞女祠飛蚊三尺喙行露一

篇詩濁浪時飄瓦炎風自捲旗漫漫長夜恨畢
竟少人知

高郵道中

底定淮流仰 聖功長堤高築巨波中逆風也
得牽船上飽看沙洲水蓼紅

去年高寶諸口悉決
行舟非揚帆不能上

其二

耶許聲喧挽石勞防河戍卒滿亭臯共言水落
魚蝦貴不見銀刀壓楚槽

其三

重歸鄉井作編氓稻把盈田風雨均甓社湖邊

愁蚌蛤水乾應有採珠人

晤劉祕書庶常

科第連年摘領鬚丰神不與玉山殊驚看毀頓
君何瘦自笑粗疎我亦臞聞說夏公初有墓至
今王烈尚無廬

徐州在承德貧不能僦居
近聞慈谿墓有宿草矣

三年憂患

同恩地白馬湖頭一歎吁

陳琳墓

鷹犬知難任誰令盜鼎司羣雄雲散日遺醜燎
原時幕府方揮鼓尚書又整師岐山潛遯夜休
獨怨陰夔

其二

翩翩書記士喪亂感迤邐河北羈棲久西園歌
舞連既知蛇在手安用矢離弦地下過官渡還
應一悵然

射陂

高岸如山東急流詩情懶比上灘舟射陂水勢
寬如海可置人間萬斛愁

淮陰侯廟

寂寂祠堂枕水濱楚醪重覆暗傷神未央宮北
淮陰路生死全憑兩婦人

清口

孤帆入清口淮水飛青霓清流界濁浪清濁如
分畦吾來發浩歎相與揆端倪前年高堰決洪
澤日向西黃河東南下斛水五斗泥明明 聖
天子廟筭憂民攜特蠲水衡帑成此百里堤淮
強河勢弱強弱相排擠強者日夕下弱者不敢
躋遂令清淮水泓湛如清溪始知人力盡乃見
天無憐鮫龍已遁跡過客休然犀

庚辰南歸值河水泛濫淮泗居民漂溺

奔波濁浪與雉堞等今年再過河流

已復故道兩岸桑麻鬱然屋廬相望
慶河復之有時幸生民之得食為賦

長句三首

一葉衝濤記去年清河城下水連天魚龍吹沫

浮廬屋

淮泗居人皆編蘆作室

鷗鷺凌波宿柳田

近河荒地遍種楊柳土人

名曰瓠田瓠子河邊無竹楫澶州橋上有行船齧堤
溢野悲禾黍恣食唯餘五斗鱸

其二

今年水勢避城垣徙窟蛟螭不敢喧古戍空時

看麗譙

河水發時多用河兵防守或二里三

里一置水復則十里二十里一置人家低處

亦郊原馬牛歷歷皆能辨衣帶盈盈好問源寄
語河神莫驕怒吾君側目屬黎元

其三

治河從古乏良謀硯席書生動杞憂但說長菱
堪置石漢書注長菱即竹葦所以引置土石可知濁浪易沉牛水痕約
略餘三阪竒計分明借一籌不是九重宵旰
慮誰將隻手障黃流

入河至清河縣

逆流上黃河趁此風色好河身濶幾許一葉寄
飄渺舟中何所有牀上書卷遶更有故人惠米

香酒亦縹飽飯還醉酒讀書亦長嘯忽聞舟人
語已過清河道行行欲何之日色喜尚早

宿三岔口

安流發浩歌高岸半銜日火雲四脚垂遠樹青
歷歷須臾大星明光景動魂魄晴雲映河水黃
流亦澄碧忽然心地寬欲吞雲夢澤

揚帆過桃源

船小僅容膝局縮如雞棲側帆趁風勢危坐時
高低吾非弄水者慄慄憂撞擠久之啞然笑此
意何猶迷波濤舉足有何在堂與閨倒頭付甘

寢吐息高青霓

宿白洋河風浪忽起舟震蕩不得寢夜

半風息早帆至宿遷

炎雲忽破散黑浪吹天風檣竿颯然響蓬索鳴
笙鏞浪花動鱗甲彌覺此語工兩舟相摩擊未
免震我躬恟恍百憂集此生真途窮甕底有餘
酒急起觴十鐘酒乾風亦止穩夢還家中夢醒
又何處帆掛鍾吾東

入新口水清可喜

濁水瞇我目清水洗我肝愛茲一泓碧湛湛清

且寬舉杯飲復啜如嚼玉露寒還將歌濯纓毋
使塵汗冠

題畫竹

雞栖蝟縮篷窻中炎風着體何熻熻吾家三徑
有好風修竹千個綠雨濛濛毫染色寫兩叢一
叢直竿凌霄空枝葉亂舞飛蒙茸一叢斜出偏
向東竹竿曲屈如彎弓須知此意來虛冲蕭郎
下筆將無同兩枝枯竹頭且童勁節中斷如截
葱高石矗起疑九變石根亂草驚飛蓬坐玩不
覺歌颯颯清涼沁心消蘊隆

再題和樹存韻

與可千尋孰可摹歸郎尺幅信吾徒歸昌世偶臨
枚乘檀藥句不寫黃陵煙雨圖

過淮後岸皆山東村墟桑樹總非江南

景色入兗州界地忽平曠遠山蒼翠

可望水亦清泚隨所見書十四韻

高岸連江作障屏蒼茫不記短長亭馬牛飲似
臨深谷雞犬聲如在杳冥漠漠炊煙遙接霧踈
踈燈火遠連星渡頭男女爭錢鬧開口兒童舉
網腥早集賣刀還買犢午殮擣韭亦蓬萍喚風

舟子疑狐鬼下水船兒亂蝦蚶緝緝青蠅驚晝
夢薨薨飛蚋啄枯形冬烘頭腦詩難就惑突心
情酒未醒已隔江淮千里碧更看齊魯數峯青
地初平曠紘三極天忽低垂總四溟發發鮮魚
宜食丙灣灣流水盡分丁馬蹄蘭少開猶媚鷹
爪茶清味既馨一盞烏蛇共綠蟻兩豪螺蠃與
螟蛉篷窻狂詠新詩句應有鮫龍起夜聽

二蟲詩

蒼蠅

嚙蟲化入土蠅族實蔓滋果然垂大腹說文蟲之大腹者

輕乃等黍絮飛飛集糞壤營營遍九遠瞠然出
兩目香臭悉預知夏日晏賓客滿案堆甘飴主
賓未下箸此物已朶頤或藏于金壁白潔逾瓊
芝爾蠅來至止識者悲磷緇或能附驥尾遠致
千里思或能窺御筆爲王宣綸絲或亦亂雞鳴
再歌齊后詩或來賀及第折躬媚所私死因嗜
肉汁醉即投醕池鷹頭集固巧故紙鑽非癡適
從何處來入戶披我帷不能碎豆擊輒欲拔劍
追天公肆長養此意令我疑大鵬有兩翼何不
撲殺之

蚊

晴天雷殷殷乃是蚊聚市勿謂一物微亦足傷
吾體叶遊戲來東方中庭舞靡靡雄豪花鷹推
骹髒宿鴨比喻爾入高堂喙然窺卑痺巧密綠
紗廚拙悞隔羅綺軟則嚙皮膚硬即啄髓髀噬
血聳高尻得意奮利嘴中宵發竒癢把搔不可
止起來桓桓擊漢書擊之桓桓僵仆滿牀第火攻意未
快掌捫血染指主人雖被創汝亦狼籍死南海
有蚊母江東有蚊樹叶朝吐復暮生爾族何時
已有蚊不敢驅哀哉吳孝子

寄嚴思庵先生

聞說先生罷直廬，閉關却掃似僧居。談禪或可同靈照，裹飯應難望子輿。熱客去留分旦暮，冷官放黜是遷除。殷勤更寄迂踈語，天遣窮愁好著書。

寄顧俠君

賦手爭傳進子虛，誰令小頓卧菰廬。短檠牆角新珠翠，小酉山中舊蠹魚。脩竹千竿初削牘，時俠君編續元詩選綠槐幾樹晝攤書。知君欲續中州集，點勘猶能託後車。

立秋日作

七月五日

枕上涼風報早秋，應知暮夜更颼颼。諺云朝立秋暮颼颼飄搖玉樹三年夢，蕭瑟湘蘭一段愁。欲送將歸倦臨水，知非吾土莫登樓。只餘詩酒當年興，入務尋醫卒未休。

其二

天容清淨足秋光，高棟層軒更覺涼。狂叫預愁逢壁蠖，少陵七月六日詩每愁中夜自足蠖微吟且自和糟牀。東坡七月五日詩還復此微吟往和糟牀注晚瓜最愛龍蹄熟，新棗先嘗羊角香。誰為潘郎感么麼，纖絺輕箑正堪傷。

中秋三更見月用子由寄東坡韻奉懷

雨亭時雨亭在徐州

三更吐月天宇高空庭竹栢明秋毫浮雲欲遮
遮不得劈開破絮推銀濤昔日彭城子由子愛
看月色坐秋水雲龍山頭千丈光隱隱黃樓笛
聲起笛聲愁絕落金丸彭城形勢黃河蟠築城
捍水留遺跡城頭露落兄衣寒今夜何人臨古
汴水光灑激魚龍變賓朋笑指白玉盤使君醉
拍紅牙板前年築堤如築山今年堤成山更堅
應無驚濤蕩月魄時得穩卧推篷看河邊看月

月愈好如帶河流繞秋草酒樓隱約望黃樓還
似子由憶坡老酒樓李白老更貧黃樓明月常
照人每憶黃樓看月出身是徐州門下客

重九登奎文閣

長天無雲湛秋水松柏寒煙飛不起青山破碎
入窻楞隱約奎光插箕尾我來正值落帽辰兩
鬢秋風一徙倚淄濰地脉開天門魯甸荒蕪還
似砥千古斯文實在茲泰階芒角相邈迤惜哉
俗學棄古始斗匡無色髦頭哆宛委金書玉簡
亡石經三體無人記我聞宋代期運昌奎文閣

上陳圭璋圖書經史滿東壁裨官小說羅西廂
瑤函雲笈置度匱不數鄴侯萬架藏精光上與
南極會泰山草木增輝煌子孫鄭重同拱壁牙
籤金軸時裝潢充梁插棟吐靈異儼然斗府垂
文章天神擁護列宿衛羽陵書卷無蠹傷有明
之季盜入魯焚林火蕩炎崑岡都梁祕閣棄糞
土秦書倉篆歸昊蒼繡衣持節按汶泗展謁闕
里驚滄桑還從劫燼閱譜錄十一未備求傍徨
雖無瓊琅煥羣玉亦足暖日流丹黃

明正德間巡按御史熊相

復置書籍于奎文閣

如何去今百十載芸香消盡悲墨莊愴

之一廚悉化去奎文高閣虛寒芒

閣中虛列四大廚中皆一無所有

嗚呼六經浩瀚若河漢分爲傳注資溉灌百家
諸子病縱橫要以大道則一貫武庫劔履不可
尋寶玉大弓幸未散十年天下徧搜求會見奎
光重炳煥嗚呼若無大字撐枯腸帝王何以戡
禍亂

題繡谷圖

示我繡谷圖更讀繡谷詩爾祖誅茅築新宅平
夷地壤出古碑不知塵土埋幾載八分大字鐫
離竒遂以此石置屋壁庭植花草交紛披依稀

桃源記元亮彷彿竹里思王維五十年來幾易
主此石無恙神所遺前年阿咸復故業追尋先
跡悲連沍赤白漫漶稍粉飾荒蕪榛棘重刪治
長松一樹自偃仰寒梅古桂相悅怡名花錦石
粲嫵媚點筆坐與雲煙宜長洲茂苑多詩客邀
賓傾酒花開時花香花雨沁肺腑組織羅綺填
新詞烏目老人落采筆似與繡谷爭毫釐煙紅
露綠鬱披錦黃花點綴仍東籬吾聞廬山之上
有繡谷迢遙一徑通天池明霞匝地紫霧暗寶
珠瓔珞春風吹今觀畫圖無乃是恍然起我食

雲思吁嗟世事有更易高門之後悲立錐子紹
箕裘食舊德無廢後觀恢前規平泉花木不改
色儒宮一畝能支持願將胸繡繡黼黻會啓矛
戟開鐘彝

題畫竹十二首

音傳索畫小竹爲作十
二景每景各題數韻

祕閣新篁

松梓歲滿百櫟樟年計千年多枝葉茂歲久木
質堅物以老爲貴唯竹獨不然君看昆崙陰枯
竹生其顛若無伶倫伐衰草同棄捐又看頓丘
竹一節可爲船何人曾一顧唯有霜露法智哉

蜀韋氏種竹只一年五月解霜籜萬竿高參天
微風一披拂嫩綠窻紗連枝條旣婀娜顏色亦
鮮妍豈唯竹如此人事有變遷當其少壯日體
充血氣全倏忽衰老至鬚鬢劇可憐爲尔寫新
竹此意望尔專慎勿學癡叔年去悲逝川

南坡新築

東坡守黃日時遊古氏園徘徊南坡下愛茲竹
萬竿欲依雪堂式卜室三間寬東借修竹蔭西
眺江山寒蟬鳴鳥相和策杖時盤桓斯願未得
遂一郡無嘉觀我生千載下興癖煙霞酸丘壑

出肺腑氣象開毫端山泉噴玉液高閣臨清湍
置公于其中顏色和且歡公應撫掌笑此願今
日完

竹里秋深

朝川竹里館秋老竹堅瘦檀藥映城闕坐覺脫
煩垢王維素閑澹晚歲愛雲岫移家南山下長
齋選道友輕舟南北坨雜樹出高秀秋山斂殘
日石澗寒泉漱有時成獨坐聊鼓薰風奏深林
發長嘯明月來相就

王維竹里館詩云獨坐幽篁裏彈
琴復長嘯深林人不知明月來相

照此中悉煙霞志欲小宇宙我爲竹里圖寒翠

歟盈袖紗窓撲黃埃雅意了不受短籬綴黃花
此景或無有何妨擘霜螯共醉竹間酒

南山雪霽

終南鬱蒼蒼插天勢雄大溪迴峯合轉古寺入
幽阨樓閣悉荒煙高亭獨可愛一水流松根萬
竿竹映帶萬固寺爽心亭與南山相對亭前萬竹映帶元
學士王暉遊萬固寺詩云當年爽心亭萬竹爭
映往遊有佳士吟嘯發清籟夜來三尺雪坐失
南山怪冰泉響環珮竹翠壓雲鬢更無一點塵
寒色濯沆瀣吾誦秋澗詩約略得其槩落筆還
自驚此象出意外何用刻畫模但覺化機藹欲

作叢葉觀蕪緜一尺隘

三徑春風

古人重結交結交不以名今人愛結交結交不
以誠古人何落落今人何營營君看三徑內獨
有羊求朋披心露皎潔蓄德含淑清有如青竹
竿相對春風生當時名流士豈無公與卿而此
歲寒友可以要久盟嗟哉逐利徒趨熱則棄冷
冷熱有時換奔走何時寧

風嶺鸞翔

空庭饒竹石縱飲樂斯丘無端落木風令我悲

素秋來者日以迫去者安能留感茲秋竹竿寒
碧凝深秋狂風肆披拂竿竿皆垂頭恍然風篁
嶺風韻時沉浮迴翔鸞鳳狀比較無風優恨無
清泉注一聽淙淙流吾生如寄耳墨翰聊記遊
行將舍茲去放筆空離憂

三峯夜月

三峯一何高古翠蒼煙重去天僅一握下視深
無窮疑爲天帝府亦是羣仙宮每當雲霽後圓
鏡吐尖峯人聞鸞鳳嘯音響清霜鐘聞聲不可
即仰望秋光空傳言有大竹枝幹如梧桐凌霄

轟千丈鳳鳥雛雌雄天寒秋月皎此鳥鳴天風
一倡復一和氣與天地通吾生有兩耳日在風
雨中啾啾喧百鳥唧唧愁寒蛩苦茲日聒噪漸
覺耳不聰安得朝陽姿高岡驚羣聾

浣花寒碧

微風入溪竹翠靄含芳津涓涓出牆靜細細香
吹春內有淹留客愁思空輪囷不聞京華信日
與山鬼隣無營付一醉飽飯行逡巡感茲江流
碧詠歎霜根新千載讀其詩本性揚天真百篇
半憂患萬語皆君親中原已版蕩徧地飛黃塵

平生功名志公豈愛竹人特以抑鬱苦寄意千
萬尋嬾性水竹居倡和誰主賓雖有裴節度不
救西川貧

渭川千畝

渭南乃竹鄉脩篁鬱清閔清霜墮黃籜明粉洗
蒼翠前年驅車過粗覽得十四青光山映妍綠
浪水添媚密葉半遮天攢根已無地此景猶在
目縱橫出位置譬彼饒太守千畝在胸次惜無
蘇東坡寄詩發噴嚏

湘江煙雨

湘江水清淺蘆荻滿沮洳九月秋風寒蘆花蕩
雪絮昔余挈扁舟來過蒹葭渡江心雨作花江
岸隔輕霧迷離煙草中却有竹萬個白雲埋山
根青翠忽半吐恨無米南宮描寫入絹素今朝
偶點筆此景恍然悟兔鶻忽起落會意急奔赴
咫尺千里寬窈窕足幽趣平日不能到手腕若
有助寄語湘江神天真已發露

西園爽氣

高堂闕重陰竹逕深以阻潺潺落澗泉半空吼
怒虎小橋架奔流蒼苔點石古疑鑿混沌開神

物此託處洵洵白玉圍滾滾驪珠吐清泉快百
斛脩竹立萬弩清風入徐徐徘徊不能去幽禽
亦會心得意相對語炎蒸鬱紅塵摩肩汗如雨
獨此清涼地永忘六月暑我從劫燼餘偶讀名
園譜洛陽名園唯董氏西園最為幽絕東偏一堂脩竹環之
盛夏不見日清風徐來留而不去幽禽靜鳴各誇得意
心冷體亦涼爽氣襲牖戶

羅浮含翠

羅浮高萬丈峪勢盤龍蛇山冝露青髮時有黃
雲遮雲開結寒翠午日翻晴霞冲虛本岑寂唯
聽落葉嘩冲虛觀在羅浮半山觀前
後悉大竹竹色蒼翠可愛十年憇美蔭自

此魂夢嘉捉筆欲彷彿景大思無涯一山復一
水愧我非作家三杯酒熱後肺腑吐查牙縱橫
出位置錯落何呀呀屬爾藏我醜無向人前誇

登酒樓

城上高樓接杳冥風流詩伯有遺形山如文筆
開生面水似春醅供酒星采石可憐終古月沉
香無復舊時亭祇應杜甫為知己共詠青齊未
了青

遊南池

南池亭閣傍城隅欵段來遊到日晡衰柳一彎

飛落葉敗荷十字沒荒蒲寒風影裏栖烏子秋
水溝邊養鴨雛自笑青氈生計拙十年詩酒負
頭顱

鸚鵡

紅闌干外綠窓前金索銀籠養幾年愛汝聰明
教言語却偷言語取人憐

題慈谿座主遺筆應溧陽潘先生命

清泰諸生由馬氏留侯門下放商山

慈谿出溧陽門下年已七

十兩重恩地栽桃李三載春風到草菅蚊翅力
慚湘水塚鼠鬚猶記永和間瓣香袖裏誰拈出

洗淚題詩有血斑

片雲集

國子監藏書



片雲

